

**Bosna i Hercegovina  
Federacija Bosne i Hercegovine  
Tuzlanski kanton  
JU Služba za zapošljavanje TK  
Tuzla**

Broj: 01-14-1-30/17-5

Datum, 31.01.2017. godine

Na osnovu člana 8. stav (1) i člana 70. stav 1. i 3. Zakona o javnim nabavkama Bosne i Hercegovine („Službeni glasnik BiH“, broj: 39/14), člana 25. Statuta JU Služba za zapošljavanje Tuzlanskog kantona i preporuke Komisije za javne nabavke utvrđene u zapisniku broj: 01-14-1-30/17-4 od 30.01.2017. godine, u postupku javne nabavke advokatskih usluga u imovinsko pravnim postupcima, direktor Službe za zapošljavanje TK donosi:

**O D L U K U  
o izboru najpovoljnijeg ponuđača**

**I**

Prihvata se preporuka Komisije za javne nabavke i Ugovor za nabavku advokatskih usluga u imovinsko pravnim postupcima (sudski i drugi postupci) dodjeljuje se ponuđaču *Advokatu Đuzić Subhiji iz Tuzle*, sa ponuđenom cijenom po Tarifi o nagradama i naknadi troškova za rad advokata i ponuđenim popustom od 20%.

*Ukupna vrijednost usluga temeljem navedenog postupka ne može preći iznos od 5.128,00 KM.*

**II**

Ugovorni organ će zaključiti ugovor o javnoj nabavci advokatskih usluga u imovinsko pravnim postupcima (sudski i drugi postupci), kojim će regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u Pozivu za dostavu ponuda i propisima koji regulišu postupke ugovaranja.

**III**

Ova Odluka stupa na snagu danom donošenja i objavit će se na web stranici JU Služba za zapošljavanje Tuzlanskog kantona – [www.szztk.ba](http://www.szztk.ba), istovremeno s upućivanjem ponuđaču koji je učestvovao u postupku javne nabavke.

**O b r a z l o ž e n j e**

Postupak javne nabavke pokrenut je Odlukom o pokretanju postupka, broj: 01-14-1-30/17 od 12.01.2017. godine, u kojoj je predviđeno da procijenjena vrijednost javne nabavke advokatskih usluga u imovinsko pravnim postupcima (sudski i drugi postupci), iznosi 5.128,00 KM bez PDV-a.

Predmetna nabavka je provedena putem postupka na koji se primjenjuje poseban režim u skladu sa članom 8. stav (1) Zakona o javnim nabavkama BiH, članom 6. i 7. Pravilnika o postupku dodjele ugovora o uslugama iz Aneksa II. dio B Zakona o javnim nabavkama, te je u skladu s tim ova Služba objavila na svojoj web stranici Poziv za dostavljanje ponuda dana 13.01.2017. godine, i siti prosljedila na tri adrese, i to:

1. *Advokatska kancelarija Hadžiselimović Zlata, Tuzla;*
2. *Advokat Emil Galušić, Tuzla;*
3. *Advokat Đuzić Subhija, Tuzla.*

U predviđenom roku za prijem ponuda, odnosno do 27.01.2017. godine, blagovremeno je dostavljena jedna ponuda i to ponuda Advokata Đuzić Subhije iz Tuzle. U ponudi navedenog ponuđača, ponuđena je cijena po Tarifi o nagradama i naknadi troškova za rad advokata i ponuđenim popustom od 20 %. Ukupna vrijednost izvršene usluge ne može preći iznos od 5.128,00 KM, koliko je predviđeno za predmetnu javnu nabavku.

Postupak izbora najpovoljnijeg ponuđača za nabavku advokatskih usluga u imovinsko pravnim postupcima (sudski i drugi postupci), u skladu sa naprijed navedenim Pravilnikom, provela je Komisija, imenovana Rješenjem broj: 01-14-1-30/17-2 od 26.01.2017. godine.

Komisija za javne nabavke, dostavila je odgovornom licu Ugovornog organa Zapisnik o otvaranju ponuda i Zapisnik o pregledu i ocjeni ponuda sa preporukom o izboru ponuđača u postupku predmetne javne nabavke.

U postupku donošenja ove odluke, posebno su cijenjene činjenice da je Komisija, pravilno i potpuno, ocijenila kvalificiranost ponuđača, kao i ocjenu prispjele ponude, shodno kriterijima iz Poziva za dostavu ponuda, te direktor Službe nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, Pravilnikom o postupku dodjele ugovora o uslugama iz Aneksa II dio B Zakona o javnim nabavkama i Pozivom za dostavu ponuda, te je odlučeno kao u dispozitivu.

Pripremila:

*mr.iur.Ahmetović Berisa, bachelor prava*

*Stručni saradnik za javne nabavke*

DIREKTOR

Senad Muhamedbegović, dipl.pravnik

Dostaviti:

1. Advokat Subhija Đuzić - Ponuđač
2. Odjeljenju za analitičko-planske poslove
3. Odjeljenje za opće i pravne poslove- Stručni saradnik za javne nabavke